

СИНОВ



16:25 / 11.09.2024 1073

Инсон боласи бир кеча-кундузда учта синовга учрайди, лекин кўпчилик уларнинг бирортасидан ибрат олмайди.

Биринчиси, ҳар куни умридан бир кун камаяди, лекин бунга этибор бермайди. Ваҳоланки, мол-дунёсидан бирор нарса камайса, дарров ғам-қайғуга ботади. Ҳолбуки, йўқотилган мол-дунёнинг ўрнини тўлдирса бўлади, лекин ўтган умрнинг ўрнини тўлдириб бўлмайди.

Иккинчиси, ҳар куни Аллоҳ берган ризқни ейди. Ўша ризқни ҳалол йўл билан топган бўлса, охиратда савол-жавоб қилинади. Лекин ҳаром йўл билан топилган бўлса, азоб-уқубатга тортилади.

Учинчиси, ҳар куни охиратга бир қадам яқинлашиб, дунёдан бир қадам узоқлашиб боради, лекин фоний дунёга кўрсатган эътиборичалик боқий охиратга эътибор қилмайди. Ваҳоланки, борар жойи жаннатми ёки жаҳаннамми билмайди.

Аллоҳим, энг катта ғам-ташвишимиз, илмимиз етиб борган нарса дунё бўлиб қолмасин. Борар жойимизни дўзах қилмагин, жаннат қилгин. Омин!

Муҳаммад Али Муҳаммад Юсуф